

四庫全書

史部

欽定四庫全書

史部
史通通釋
目錄舉例
卷二

詳校官編修臣錢樾

編修臣程嘉謨覆勘

總校官原任中允臣王燕緒

校對官中書臣袁文邵

謄錄監生臣劉國永

欽定四庫全書

史部十五

史通通釋目錄

史評類

內篇

卷一

六家第一

卷二

二體第二

載言第三

本紀第四

世家第五

列傳第六

卷三

表歷第七

書志第八

卷四

論贊第九

序例第十

題目第十一

斷限第十二

編次第十三

稱謂第十四

卷五

採撰第十五

載文第十六

補注第十七

因習第十八

邑里第十九

卷六

言語第二十

浮詞第二十一

叙事第二十二

卷七

品藻第二十三

直書第二十四

曲筆第二十五

鑒識第二十六

探蹟第二十七

卷八

摸擬第二十八

書事第二十九

人物第三十

卷九

覈才第三十一

序傳第三十二

煩省第三十三

卷十

雜述第三十四

辨職第三十五

自叙第三十六

體統_亡

純繆_亡

弛張_亡

外篇

卷十一

史官建置第一

卷十二

古今正史第二

卷十三

疑古第三

卷十四

申左第四

卷十五

點煩第五

卷十六

雜說上第六

卷十七

雜說中第七

卷十八

雜說下第八

卷十九

五行志錯誤第九
五行志雜駁第十

卷二十

暗惑第十一

忤時第十二

臣等謹案史通通釋二十卷

國朝浦起龍撰起龍字二田無錫人史通注本
舊有郭延年王維儉黃叔琳三家遞相增損
互有短長起龍是注較三家為晚出雖亦仍
有疎漏如秦人不死事不知出洛陽伽藍記
蜀老猶存事不知出魏書毛修之傳闌單失
力字不知出清異錄之類然大致引據詳明

足稱該洽惟輕於改竄古書往往失其本旨
如六家篇內尚書條中語無可述四字之下
若此二字之上乃有脫句而改此字為止又
為增一有字又如列傳篇內項王立傳而以
本紀為名句立字不悞而乃臆改為宜此類
至多皆失詳慎又句解章評參差夾注如選
刻制藝之例于注書之體亦乖惜其不一評
一注釐為二書使離之雙美也顧其大致精

核於知幾本意多能闡發不可謂之無功焉
乾隆四十三年六月恭校上

總纂官

臣

紀昀

臣

陸錫熊

臣

孫士毅

總校官

臣

陸

費

墀

史通通釋原序

長安二年

武后臨朝第十九年至此十六改元

余以著作佐郎兼修國史

尋遷左史於門下撰起居注會轉中書舍人暫停史任

俄兼領其職今上即位除著作郎太子中允率更令其

兼

舊脫兼字

修史皆如故

兼修史以領職脫兼字則非

又屬大駕還京以

留後在東

舊脫東字

都無幾驛徵入京專知史事仍遷秘書

少監釋

首叙歷官即自叙篇所謂三為史臣再入東觀也其注云今之史館即古之東觀

自惟

歷事二主從宦

一作官

兩京遍居司籍之曹久處載言之

職昔馬融三入東觀漢代稱榮張華再典史官晉朝稱

美嗟予小子兼而有之是用職思舊誤作司其憂不遑啓處

釋

此總上歷官拈合當職撰史事即以引起史通之作

嘗以載削餘暇商榷

一作確

史篇下筆不休遂盈筐篋於是區分類聚編而次之釋

此六句暗籠史通

昔漢世諸儒集論經傳定之於白虎閣因名

曰白虎通予既在史館而成此書故便以史通為目且漢求司馬遷後封為史通子是知史之稱通其來自久

博采衆議爰定茲名釋

此層明點史通兩引古史古事以見命名所本

凡為廿

卷列之如左合若干言

舊注除所闕篇凡八萬三千三百五十二字注五千四百九十

八字按字數今不可定姑仍舊本存之

于時歲次庚戌景龍四年

中宗元是時復

辟六年矣仲春之月也

按此劉氏自序當冠正目之首諸本錯置後人序例之間非體觀此一序簡明典切即可徵其史筆之潔古者經疏文選凡有自序者皆與正書同注王本此篇亦有注愚亦遵用之

大駕還京

注詳集終忤時篇

馬融三入東觀

後漢書本傳永初四年應召拜為校書郎中詣東觀典校秘書忤太后旨

禁錮安帝親政召還郎署復在講部拜議郎桓帝時忤大將軍梁冀免官得赦還復拜議郎重在東觀著述

張華再典史官

晉書本傳華學業優博朗瞻多通盧欽言之於文帝除著作佐郎惠帝即

位以華為太子少傅數年代下邳王晃為司空領著作

白虎通

後漢章帝紀建初四年大夫博士議郎郎官及諸生諸儒會白虎觀講議五經異同作白

虎議奏班固傳天子會諸儒講論五經作白虎通德論令固撰集其事隋經籍志白虎通六卷唐藝文志

通字下有義字

史通子

漢書司馬遷傳太史公仍父子相繼纂其職作本紀表書世家列傳凡百三十篇五十二

萬六千五百字宣帝時遷外孫楊惲祖述其
書遂宣布焉至王莽時求封遷後為史通子

欽定四庫全書

史通通釋舉例

二科十別

書不必醇乎醇書惟其至於至居巢劉氏之史
通是也注書戒自我作故注書欲推心置腹山
陰先生之通釋是也凡注之用二辨之通與不
通而已是書行本相高厭心蓋寡每於通處薦
以荆榛而趣乖於不可通處過如炙轂而疵積

金方氏集卷之三
身名
敝也久矣先生曰趣乖者法宜訓正疵積者道
在刊謫例摠二科科各有別列如左方

訓正者兼舉其義與辭而是正之也義從文生辭由古
出俗學之弊大抵二端憑臆自用者揣義而不徵辭弊
且流為束書不觀是謂褻古炫博貪奇者役辭而不問
義弊又滋乎靈臺日汨是謂褻天茲用疏義以會辭考
辭以赴義則訓之為也訓正之科其別六

一曰釋

釋篇者節之積也節清而篇乃定焉歷緒評本觀
乎外篇條別胷欠主張驗其通體支離篇乖步

伐者矣故為之釋以清之釋之為用析節而疏其義是實是主是影是神前後相銜中邊交灌茲為從事之所先即其命名之所自間有省去不用唯於短說為然自昔漢唐經疏通例墨闌標眼於釋字仿用之

二曰按

按亦釋也標仍墨闌體同跋尾既釋以辦之復按以會之指趣所鍾歸宿有地矣況史通之為

書也厚史牢籠全書吐納畛塗濶濶節目赫赫則必以見遠之明者察焉則將有無礙之辯者通焉此段識解於何置頓亦惟篇按職此淹該是知按之所屆尤為駟壯之廣衢非等隻雞之近局也又其例比釋加徧釋有從省按無缺施惟下帙四五處有以一按攝三條二條者

三曰證釋

謂取證古書用釋今義也語云求之物本必於其始取其所通必於所宅故凡有徵引事

必事祖辭必辭根而其所標識則又書皆舉名篇皆舉目如左傳則某公某年漢書則某紀某傳之類蓋

採錄多從節縮而原文可任搜核也他若舊注已得者明書何本或無書可質者直注未詳不據不欺與世共見

四曰證按

凡前件證釋多有就證加按者痛刮不根之病及湯與之習也如尚書注有王肅其人也

本係三國王朗之子舊援後魏同名之人如左傳家缺徐賈一注也位在干蕭二史之間檢出徐廣字形之誤更有全證皆屬設辯者如書志篇之東觀曰記採撰篇之沈炯罵書一失之俗傳一失之原本則一當革其繆一當繩其愆凡此諸流皆須顯說也證釋之條千有二百加按之處五百有奇任舉陳言都成說部

五曰夾釋

釋非節界夾入行間是夾釋也凡涉晦澀之義用一兩言達之或遇疑似之辭用直截語

指之皆是也。有此可以便觀書者。
之索解可以杜好辯者之岐猜。

六曰雜按

雜按之施施於原注者劉自注也。或刊失其初須為揣定或置非其所合與推移且

有注混文文混注者於史官篇詔曰修撰暗感篇曹公多詐見之并有注非注文非文者於史官篇自歷行事雜說篇蘇代所言見之相厥攸居還渠定判此雜按之所由設也不繫諸正書故稱雜焉

刊譌者譌非一端而已。或流傳或竄易或原本差池所

致之塗既雜於是有繆出有倒施有脫遺羨衍所叢之
顛繇興刺眼而葉落連翩膠牙而泉流瀉咽文傳侮食
怪曲水序之猶踈日思誤書歎小屋人之不作夷考諸

家刊得者十一待刊者十九焉刊譌之科其別四

一曰字之失

是書之失在字者蓋亦多矣烏孤而轉烏孫文丁而轉文王處道而轉承祚涉漢而

轉沙漢失則繆文省而曰省文朔方而曰方朔武宣而曰宣武昌平而曰平昌失則倒昭俊略漏昭字言

學者漏言字楚漢列國漏國字微子篇序漏序字失則脫名班祚土班下行爵字以其類迳逆下行者字

虛美相酬馬遷垂傳美下傳下並行以字失則羨繆倒脫羨凡有四端故概曰失也總二百二十有奇者

刊之數也其刊去者仍注見之不沒舊本冀覽之者辨之也且作聰明改頭面得罪古人莫此為甚本所

深惡而豈蹈之下三條皆倣此

二曰句之違

違亦概詞也句之違亦四端凡二十處而點煩之誤在除加丹粉間者不與焉稍舉

似之以句繆言則有若去萬留千錄遠略近惜事類而反篇情者以句倒言則有若藉權濟物居京兆府乖文義而沒語趣者以句脫言則有若述南齊之史結申左之科缺至一全片而遺忘半面者以句羨言則有若犀革裹之條嗤沈約之段衍至不可讀而反棄佳本者凡此又非一兩字之間審聲形之比靜繹全文廣參羣籍甚至決時稽序而後其真始出持此耗磨晚節俟之甘苦中人

三曰節之清

其體故也其內篇少外篇多通幅分條之殊

總尾亦宜截書志後論不應以或問截編次終篇不應以尋夫截其在外篇離合斷連歧迂交失者史官篇三正史篇三惑經篇一雜說上中下篇十有五技經肯綮每至族而難為官止神行唯彼節之有間今皆驕然矣至若點煩摘史隔鈔而合片當以方空格界之又若卷末忤時一讀而兩端可以序跋例離之

金史卷之八
斯皆隨方制宜
非欲矜己之異

四曰簡之錯

篇節字句並有錯簡篇之錯卷九內之叙傳者是節之錯曲筆中之夫史十行者是

字句之錯雜說下之李陵書者是篇不得而移節句可得而準也或遂刊定或為證明具著卷中○凡所盡心畧如前款間嘗總諸科別而權之理不言而同然唯去非以趨於是言愜心者貴當必無憾然後即安是書也謂劉氏史通可謂浦氏家言亦可已已孟陬親賢堂

欽定四庫全書

史通通釋卷一

無錫浦起龍撰

內篇

六家

第一。合起
結共八章

自古帝王編述文籍外篇

謂古今正史篇
此二字一作史

言之備矣古

往今來質文遞變諸史之作不恒厥體釋

二句首提史
字揭出全書

眼目權而爲論其流有六一曰尚書家二曰春秋家三曰

左傳家四曰國語家五曰史記家六曰漢書家今略陳

其義列之於後

按此篇序也史體盡此六家六家各有原委其舉數也欲溢為七而無欠欲減為五則不全是史通總挈之綱領也其辨體也援駁儷純而派同移甲置乙則族亂是六家類從之畛涂也注家認家字不清要領全沒今為顯說之一尚書記言家也二春秋記事家也三左傳編年家也四國語國別家也五史記通古紀傳家也六漢書斷代紀傳家也會此分配以觀六章觀全書如視

掌文矣

尚書家者釋

是為記言家

其先出於太古易曰河出圖洛出

書聖人則之故知書之所起遠矣

釋上原書之所起下表孔子所定

至

孔子觀書於周室得虞夏商周四代之典乃刪其善者

定為尚書百篇孔安國曰以其上古之書謂之尚書尚

書璇璣鈴曰尚者上也上天垂文為

古象字一作以

布節度如

天行也王肅曰上所言下為史所書故曰尚書也

釋三引

古語皆釋尚字名義惟此王肅所云推一作此三說其乃與記言意合是為本處家字所宗

唯

義不同蓋書之所主本於號令所以宣王道之正義發

話言於臣下故其所載皆典謨訓誥誓命之文釋數語

記言至如堯舜二典直序人事禹貢一篇唯言地理或作

洪範總述災祥董劉五顧命都陳喪禮茲亦為例不純

者也釋數語以書有兼及記事之文摘出言之要之

有周書者謂世所傳與尚書相類釋亦是記即孔氏刊

約百篇之外凡為七十一或作章上自文武下終靈景

甚一作誤有明允篤誠典雅高義時亦有淺末恒說滓穢

相叅殆似後之好事者所增益也至若職方之言與周

官周禮無異時訓之說比月令多同斯百王之正書五經

之別錄者也釋自又有周書至末所綴三書皆屬記言之體正為家字博其類也○此節述刪

餘之周書雖其中不無真偽相亂要是本家緒餘故引而附之自宗周既殞書體遂廢

迄一作乎漢魏無能繼者釋數語轉遞至晉廣陵相魯國孔

衍以為國史所以表言行昭法式至於人理常事不足

備列乃刪漢魏諸史取其美詞典言足為龜鏡者定以

篇第纂成一家由是有漢尚書後漢尚書漢衍魏尚書

凡為二十六卷

卷與隋書體久廢之後至晉而有孔志不合釋行諸書是後來記言者一家

至隋秘書監太原王劭又錄開皇仁壽時事編而次之

以類相從各為其目勒成隋書八十卷尋其義例皆準

尚書釋

至隋而又有王劭隋書亦是後來記言者一家○上二家亦以類附此下則就二家衡論

夫尚書之所記也若君臣相對詞旨可稱則一時之言

累篇咸載如言無足紀語無可述若此

疑當作止故事雖有

舊無有字脫略

四句言有事無言者不收

而觀者不以為非爰逮中葉文

籍大備必翦截今文模擬古法事非改轍理涉守株故

舒元

字孔衍

所撰漢魏等書不行於代也

釋此節論孔衍書也上世事

簡故言亦簡後世文煩徒以翦棄事實上擬記言豈足成書

若乃帝王無紀公卿缺

傳則年月失序爵里難詳斯並昔之所忽而今之所要

如君懋

字王劭

隋書雖欲祖述商周憲章虞夏觀其所述

乃似孔子家語臨川世說

謂體不類史

可謂畫虎不成反類

犬也故其書受嗤當代良有以焉

釋此節論王劭書也既無紀傳又不編

年徒然撮拾瑣言豈得成史。二節之意總謂記言一家止可行於三古後世不必倣為也

按朱子嘗言古史之體可見者書春秋而已史通首

此二家皆談史不談經注家執經言經籙引義疏都無交涉其首尚書家者劉氏特以記言之體當之云爾家不類族不備人非其倫書是其體則以其族歸之不特七十一篇之周書為其緒餘若衍若劭等書皆是記言之族故亦以類相從郭本紛紛譏劉氏以狗尾續貂正緣不識家字所由胥動浮言也。上古文字何例可說專以尚書屬言其說始自鄭荀詎云篤論劉氏不此之辨而疑書例之不純固哉言也

劉說

蓋本堯
典孔疏

○尚書固是史家開體然不編年不紀傳原

非史體正宗故後世難為其繼亦不必有繼劉氏譏

衍劭為守株畫虎洵通識也

尚書百篇

漢藝文志易曰河出圖洛出書聖人則之
故書之所起遠矣至孔子纂焉上斷於堯

下訖於秦凡百篇按志語本孔安
國尚書序百篇蓋古尚書原數也

孔安國

史記孔子世家孔子而下歷伯魚子思子襄
子家子京子高子慎及鮒凡八世鮒弟子襄

生忠忠生延年及安國安國為今皇帝博士漢藝文
志武帝末魯共王壞孔子宅得古文尚書孔安國悉

得其書獻之尚書孔序以其上古之
書謂之尚書百篇之義世莫得聞

璇璣鈴

後漢方術傳樊英善河洛七緯章懷注七緯者易緯稽覽圖乾鑿度坤靈圖通卦驗是類

謀辨

終備也書緯璇璣鈴考靈耀刑德放帝命驗運期授也詩緯推度災沴歷樞含神務也禮緯含文嘉

稽命徵

斗威儀也樂緯動聲儀稽耀嘉叶圖徵也孝經緯援神契鉤命決也春秋緯演孔圖元命苞文耀

鉤運斗樞

感精符合誠圖考異郵保乾圖漢含孳佑助期握誠圖潛潭巴說題辭也

王肅

魏志王朗傳朗子肅字子雍中領軍散騎常侍善賈馬之學而不好鄭氏采會同異為尚書詩

論語三禮

左氏解及撰定父朗所作易傳皆列於學官按郭本引南齊奔魏之王肅誤又按王應麟困學

紀聞云

樂書引樂記通典引大傳並存王肅注而集說以為元魏人誤也在元魏者字恭懿不以經學名

然則誤已

在宋時矣而王謂不以經學名亦非恭懿長於三禮北史與劉石珪同傳常相辨論往來也

爲例不純

漢藝文志左史記言言爲尚書右史記事

左史所記爲春秋右史所記爲尚書是以王藻云動則左史書之言則右史書之按王者因事而有言有言必有事理勢本自相連珥筆如何分記況左右配屬班荀之與鄭戴又各抵牾此等皆出自漢儒難可偏據魏晉以來黏配相沿杜預以漢志爲誤史通則又以漢志爲例遂有爲例不純之議並非

又有周書

漢藝文志周書七十一篇劉向云周時誥誓號令蓋孔子所論百篇之餘也因學紀

聞隋唐志繫之汲冢然汲冢得竹書在晉咸寧五年而太史公鄭康成許叔重馬融皆引其文皆在漢世杜元凱解左傳正義引王隱晉書所載竹書之目亦無周傳及左傳正義引王隱晉書所載竹書之目亦無周書然則繫於汲冢誤矣今按史通亦多引其書皆不冠以汲冢隋唐志之誤信矣

職方時訓

逸周書序王紀雖弛天命方永四夷八蠻
攸遵王政作職方辯十二氣之應以明天

時作時訓按浚儀王氏紀聞
引此序十二氣作二十四氣

孔衍漢魏尚書

世晉儒林傳孔衍字舒元孔子二十二
孫中興初補中書郎出為廣陵郡

凡所撰述百餘萬言唐藝文志孔衍漢尚書十卷後
漢尚書六卷後魏尚書十四卷按後魏後字衍文

王劭隋書

隋書王劭字君樞授著作郎遷秘書少監
專典國史撰隋書八十卷多錄口勅又採

迂怪委巷之言以
類相從為其題目

守株

韓非五蠹宋人耕田田中有株兔走觸株而死
因釋耒而守株冀復得兔兔不可得為宋國笑

模擬篇用
其語稍詳

家語

王肅注後序孔子家語者與論語孝經並時弟子取其正實而切事者別出為論語其餘則都

集錄

之鼂氏讀書志凡四十四篇劉向校錄止二十

七篇

王肅得此於孔猛家朱子與呂伯恭書程氏遺

書若只暗地刪却久後易惑人記論語者只為如此留下家語至今作病痛也

臨川世說

宋書宗室傳臨川王道規無子以長沙景

以來佳事佳話為世說新語讀書志劉知幾頗言此書非實錄予亦云

春秋家者釋

此一家是言記事家也止以經文為界勿重拈編年意致與左傳家混

其先

出於三代釋

原記事家古名所自

案汲冢璣語記太丁時事目為

夏殷春秋釋

此下歷引春秋古名孔子曰䟽通知遠書見於諸書者以實之

欽定四庫全書

史通通釋

七

教也屬辭比事春秋之教也知春秋始作與尚書同時
璅語又有晉春秋記獻公十七年事國語云晉羊舌肸
習於春秋悼公使傅其太子左傳昭二年晉韓獻子來
聘見魯春秋曰周禮盡在魯矣斯則春秋之目事匪一
家至於隱沒無聞者不可勝載又案竹書紀年其所紀
事皆與魯春秋同孟子曰晉謂之乘楚謂之檮杌而魯
謂之春秋其實一也然則乘與紀年檮杌其皆春秋之
別名者乎故墨子曰吾見百國春秋蓋皆指此也釋此

疊引衆說總以證明古者歷國史記皆號春秋
為推本命名之由而其用則皆以記事為義也 逮仲尼

之修春秋也乃觀周禮之舊法遵魯史之遺文據行事

仍人道就敗以明罰因興以立功假日月而定歷數籍

藉通朝聘而正禮樂微婉其說志一作隱晦其文為不刊之

言著將來之法故能彌歷千載而其書獨行釋此即正表孔子

所修之春秋寓書法於記事中秋又案儒者之說春秋
行千載而他所謂春秋者皆廢

也以事繫日以日繫月言春以包夏舉秋以兼冬年有

四時故錯舉以為所記之名也苟如是則晏子虞卿呂

氏陸賈其書篇第本無年月而亦謂之春秋蓋有異於

此者也釋

此節帶及編年言記事必繫之年月若晏虞呂陸輩所著事無編繫何得假名然編年意

本章不重特緣此以斥諸家耳

至太史公著史記始以天子為本紀考

其宗旨如法

一作昔

春秋自是為國史者皆用斯法然時

移世異體式不同其所書之事也皆言罕褒諱事無黜

陟故馬遷所謂整齊故事耳安得比於春秋哉釋

末節指出

後史之帝紀為近春秋經體是則本家正派特書法未盡善耳

按此春秋舉經不舉傳章意以記事為主與尚書對

舉而此為確配非尚書強配記言比也於編年意則帶及之至下章左傳家盡之其標義也以孔子為宗法其徵名也以前所稽者為原始以後所附者為虛稱其苗裔也以遷史所開諸帝紀為具體合而觀之家字之原委離合備焉。本紀取法春秋一語破的紀所加詳者惟在開闢之世及凡詔令之文耳後來朱子作綱目之綱固是仰學春秋亦大率取裁本紀春秋家者至盡在魯矣此段證據與杜氏左傳序首孔疏參錯相同

汲冢璣語

隋書經籍志古文璣語四卷汲冢書

羊舌肸

外傳晉語悼公問德義司馬侯曰諸侯之為日在君側以其善行以其惡戒可謂德義矣

公曰孰能曰羊舌肸習於春秋乃召叔嚮使傳太子彪

竹書紀年

杜氏左傳後序余成春秋釋例及經傳集解始訖會汲郡汲縣有發其界內舊冢者

大得古書皆簡編科斗文字多雜碎怪妄不可訓知紀年最為分起了起自夏殷周皆三代王事無諸國別

也唯特記晉事起自殤叔次文侯昭侯以至曲沃莊伯莊伯之十一年十一月魯隱公之元年正月也皆

用夏正建寅之月為歲首編年相次晉國滅獨記魏事下至魏哀王之二十年蓋魏國之史記也推校哀

王二十年太歲在壬戌是周赧王之十六年秦昭王之八年韓襄王之十三年趙武靈王之二十七年楚

懷王之三十年燕昭王之十三年齊湣王之二十五年也哀王二十三年乃卒故特不稱謚謂之今王其著書文意大似春秋經推此足見古者國史策書之常也按汲冢書有目詳後申左篇

百國春秋

北平黃氏補注公羊傳疏云昔孔子受端門之命制春秋之義使子夏等求周史記

得百二十國實書則墨子言百國春秋當即是書也

周禮舊法

杜序周德既衰官失其守上之人不能使春秋昭明仲尼因魯史策書成文考其真

偽而志其典禮上以遵周公之制下以明將來之法

微婉志晦

杜序為例之情有五一日微而顯二曰志而晦三曰婉而成章四曰盡而不汙五曰

懲惡而勸善

繫日繫月

語見杜氏序

包夏兼冬

杜序史之所記必表年以始事年有四時故錯舉以為所記之名也疏言春足以兼

夏言秋足以見冬魯頌箋云春秋猶言四時是也

晏虞呂陸亦謂春秋

史記管晏列傳贊吾讀晏子春秋欲觀其行事故次其傳孔叢

執節篇春秋經名晏子書亦曰春秋貴賤不嫌同名也史記虞卿說趙孝成王為趙上卿卒去趙不得意

乃著書曰節義稱號揣摩政謀凡八篇曰虞氏春秋漢藝文志虞氏春秋十五篇高誘呂覽序呂不韋者

陽翟富賈為秦相國集儒書著其所聞為十二紀八覽六論名呂氏春秋暴之咸陽市門懸千金其上能

增損一字者予千金後漢班彪傳漢興定天下大中大夫陸賈紀錄時功作楚漢春秋九篇史記本傳索

隱賈撰記項氏與漢
高初起及惠文間事

左傳家者釋

是為編年正家

其先出於左丘明釋

傳為左撰亦曰其先志家

之所始也

孔子既著春秋而丘明受

舊作授非

經作傳蓋傳者轉

也轉受

舊亦作授

經旨以授後人或曰傳者傳

原音平

也所以

傳示來世案孔安國注尚書亦謂之傳斯則傳者亦訓

釋之義乎

釋首節空疏傳字只作注傳意解

觀左傳之釋經也言見經

文而事詳傳內或傳無而經有或經闕而傳存其言簡而要其事詳而博信聖人之羽翮而述者之冠冕也釋

此節貼合左氏遞到傳述逮孔子云沒經傳不作史而

古事之傳尚未說到編年

名者至左於時文籍唯有戰國策及太史公書而已釋

傳後遂絕

二書皆非編年何忽引入以其所載接左連秦為下文樂傳張本耳

至晉著作郎魯國樂

資乃追采二史撰為春秋後傳其書

續前傳魯哀公後至王赧同赧入秦又以秦文王之繼周

終於二世之滅合成三十卷釋樂資采國策遺史為書

名為傳。已上不言當漢代史書以遷固為主而紀傳

編年而編年自見也

耳

古互

出表志相重於文為煩頗難周覽

釋接入漢史

其初有紀

傳無編年此

至孝獻帝始命荀悅撮其書為編年體依

數語挑下

附一有左傳著漢紀三十篇釋

此就荀紀之依左體指出編年二字為全章點眼

自是每代國史皆有斯作起自後漢至於高齊如張璠

孫盛干寶徐賈

當是廣字

裴子野吳均何之元王劭等其所

著書或謂之春秋或謂之紀或謂之略或謂之典或謂

之志雖

當有其字

名各異大抵皆依左傳以為的準焉釋

的準

者編年也凡異名而同體者悉羅列之於家字乃無欠闕

按春秋經以提綱傳以述事事必繫年編年之法由

是興焉然編年之義史通不以繫經而繫傳者事待傳而顯也傳有三家史通唯取左氏不及公穀者公穀主釋義左主載事公穀非史法左具史法也故左傳一家為編年家法之祖也自左而後樂資荀悅以及張孫干徐裴吳何王諸所述撰皆其流也章內錯舉國策遷固殆為樂傳荀紀起本猶宋涑水氏採十七史以為通鑑所本者紀傳家而所成者乃編年體也此處觀書略綽定知辨類糊塗。又唐之先有王

氏元經薛收傳正擬是家史通曾不及之因思隋唐
二史皆不立王通傳至司馬君實為之補傳謂其事
其書出其家人參差不實然則書雖存究在依託然
否間況其家所以推之者越分無禮有白牛谿序曰
山似尼丘泉似泗溪更為之作文中子世家以配遷
史是其淫名僭號罪甚揚雄法亦在所必斥也

受經作傳

杜氏集解序左丘明受經於仲尼以為經者不刊之書也故傳或先經以始事或後

經以終義或依經以辯理或錯經以合異隨義而發其例之所重

樂資

晉書無傳隋經籍志春秋後傳三十一卷晉著作郎樂資撰按資晉時人在荀悅後而章內先

舉樂資者資書接左迄秦事在漢紀前不以人次也又接左之年之周貞王史記作定王左䟽雖引存疑

荀悅

後漢荀淑傳淑孫悅字仲豫獻帝時官秘書監帝以班固漢書文縣難省乃令悅依左氏傳體

為漢紀三十卷辭約事詳其序曰中興以前明主賢臣得失之軌亦足以觀矣正史篇又有注

張璠

國史無傳隋經籍志後漢紀三十卷張璠撰宏後漢紀自序暇日振會漢紀謝承書司馬彪

書華嶠書謝忱書漢山陽公記漢靈獻起居注漢名臣奏旁及諸郡耆舊先賢傳凡數百卷多不次叙始

見張璠所撰書其言漢末之事差詳故復採而益之

孫盛

隋經籍志魏氏春秋三十卷晉陽秋三十卷並孫盛撰盛字安國又見論贊直書二篇

干寶

晉書寶字令升祖統吳奮武將軍寶以才器召為著作郎領國史著晉紀自宣迄愍凡二十卷

直而能婉郭評楊誠齋嘗與同舍談于寶一吏曰干字非于驗書果然按語見鶴林玉露謂韻書干字下

注云晉有干寶也誠齋喜曰此吾一字之師

徐賈

其人其書俱無考按隋唐二志於干寶晉紀之後裴子野宋略之前有徐廣晉紀四十五卷與

此處列名之次正同而所列編年門類亦合然則賈字即廣字之譌也宋書本傳徐廣字野民負外散騎

領著作

裴子野

梁書子野字幾原曾祖松之續修何承天宋史未成子野更撰為宋略二十卷叙事評論

多善

吳均

梁書吳均字叔祥文體清拔好事者或數之謂為吳均體除奉朝請著齊春秋三十卷外篇正

史篇謂其書稱梁帝為齊明佐命帝惡其實詔燔之然其私本竟行

何之元

陳書之元銳精著述以為梁氏肇自武皇終於敬帝其興亡盛衰之跡足以垂鑒戒定褒

貶究七十五年行事草創為三十卷號曰梁典

王劭

見尚書家但彼所引為隋書是記言體此所引則北齊志乃編年體章末所云或謂之志正指

此也舊注悉取其所著書溷列一處便使家數不清唐藝文編年類王劭北齊志十七卷外編正史篇王

劭憑起居注廣以異聞造編年書號曰齊志云云分體甚明

國語家者釋

此是國別家惟分其先亦出於左丘明既封分割之代有之

為春秋內傳又稽其逸文纂其別說分周魯齊晉鄭楚

吳越八國事起自周穆王終於魯悼公別為

此二字或作列於或

作列為皆非

春秋外傳國語合為二十一篇其文以方內傳

或重出而小異然自古名儒賈逵王肅虞翻韋曜之徒

並申以注釋治其章句此亦六經之流三傳之亞也釋

首節疏明國別之體因推稽纂所由兼及注家章句如此

暨縱橫互起力戰爭雄秦兼

天下而著戰國策其篇有東西二周秦齊燕楚三晉宋

衛中山合十二國分為三十三卷夫謂之策者蓋錄而

不序

謂時序

故即簡簡以為名或云漢代劉向以戰國游

士為之

之一脫字

策謀因謂之戰國策

釋

繼國語而起者國策正其流派故連

及之而以兩義疏明策字也

至孔衍又以戰國策所書未為盡善乃

引太史公所記參其異同刪彼二家

謂國策遷史

聚為一錄

號為春秋後語除二周及宋衛中山其所留者七國而

已始自秦孝公終於楚漢之際比於春秋亦盡二百三

十餘年行事始衍撰春秋時國語

因述其後語并標其前作

復撰春

秋後語勒成二書各為十卷今行於世者唯後語存焉

案其書序云雖左氏莫能加世人皆尤其不量力不度德尋衍之此義自比於丘明者當謂國語非春秋傳也

必方以類聚豈多嗤乎釋

此節因國策敷衍而出在舒元作之殊覺多事在史通引

之卻是類推蓋此家述者絕少故及之也

當漢氏失馭英雄角力司馬彪又

錄其行事因為九州春秋州為一篇合為九卷尋其體

統亦近代之國語也釋

此書乃是本家的派國語一家從此止矣

自魏都許

洛三方鼎峙晉宅江淮四海幅裂其君雖號同王者而地實諸侯所在史官記其國事為紀傳者則規模班馬

創編年者則議擬荀爽於一作是史漢之體大行而國

語之風替矣釋

末卽正見國語家久廢雖自魏晉以來多有分國之史大都祖述班荀均之國

別而體
則非矣

按二國均為國別家史通雖專以外傳標目其實走
馬遞舉。自封建廢而史統於一靡事殊塗矣其或
光岳氣分各職記注而編年紀傳小大相師亦並不
用條綴體式若是乎國語一家幾將說部置之史通
不列為家而不可列之為家而體非正用章末筆叅

進退不類他家有以也

內傳外傳

韋昭國語序昔孔子修舊史以垂法左丘明因聖言以摠意可謂博物善作者也其

雅思未盡復采錄前世穆王以來下迄魯悼智伯之誅以為國語其文不止於經故號曰外傳又云切不以自料復為之解叅之以五經檢之以內傳

賈逵注

後漢書賈逵字景伯九世祖諠逵身長八尺二寸諸儒為之語曰問事不休賈長頭尤明

左氏傳國語為之解詁五十一篇注左氏傳三十篇國語二十一篇也

王肅注

三國時人見尚書家按魏志本傳於諸經解後又有三傳國語爾雅諸注隋經籍志春秋

外傳章句一
卷王肅撰

虞翻注

三國吳志虞翻字仲翔孫權以為騎都尉徙交州雖處罪放而講學不倦為老子論語國

語訓注皆傳於世

韋曜注

吳志韋曜字弘嗣為尚書郎遷太子中庶子孫皓即位封高陵亭侯注曜本名昭史為晉

諱改之宋崇文總目昭參引鄭眾賈逵虞翻唐固合五家為注自發正者三百七事按唐固注國語見吳志闕澤傳或作唐因非

戰國策

劉向原叙所校中戰國策書臣向因國別者畧以時次之得三十三篇中書本號或曰國

策或曰國事或曰短長或曰事語或曰修書或曰長書臣向以為戰國時游士策謀宜為戰國策繼春秋以後訖楚漢之起二百四十五年間之事皆定以殺青書隋經籍志劉向錄者三十二卷高誘撰注者二

十二卷

孔衍後語

唐藝文志孔衍春秋時國語十卷又春秋後國語十卷按史通云今行世者唯後語

存是知新唐志特因舊史原文非皆有其書也

九州春秋

隋經籍志九州春秋十卷司馬彪撰陳氏書錄解題彪記漢末州部之亂司冀徐兗

青荆揚涼益幽凡盜賊僭叛皆記之晉書彪字紹統高陽王睦之子官秘書郎

魏都許洛

三國魏志建安元年洛陽殘破董昭等勸太祖都許洛三十五年至洛陽文帝黃初元

年營洛陽官按時言曹魏者通謂之許洛如吳志朱桓言進取壽春以規許洛是也

晉宅江淮

晉元帝紀帝瑯琊恭王覲之子嗣位瑯琊永嘉初鎮建鄴愍帝即位西都不守建武

欽定四庫全書

史通通釋

十六

元年依魏晉故事為晉王立宗廟社稷於建康按是為東晉之始建康即建鄴吳大帝始都此江淮其界也亦吳之通稱如吳志周魴本陽羨人而言生長江淮是也

史記家者釋

此是紀傳家之祖而劉氏以史記通古為體故別為一家

其先出於司

馬遷自五經間行百家競列事跡錯糅通作前後乖舛

釋

此四句伏下遼遠難稽病源

至遷乃鳩集國史採訪家人

或作家乘恐非

上起黃帝下窮漢武紀傳以統君臣書表以譜年爵合

百三十卷因魯史舊名目

一本目之曰一無字

史記自是

漢世史官所續皆以史記為名迄乎東京著書猶稱漢

記

一作紀

釋

數語

至梁武帝又勅其羣臣上自太初下終

齊室撰成通史六百二十卷其書自秦以上皆以史記

為本而別採他說以廣異聞至兩漢已還則全錄當時

紀傳而上下通達臭味相依又吳蜀二主皆入世家五

胡及拓拔氏列於夷狄傳大抵其體皆如史記其所為

異者唯無表而已釋

自此節起連述後代之擬史記者本節述通史也梁武貪慕史記

之為勅撰遠濶之編也

其後元魏濟陰王暉業

譏人誤辯

又著科

錄二百七十卷其斷限亦起自上古而終於宋年其編

次多依放通史而取其行事尤相似者共為一科故以

科錄為號

釋此節述科錄也元暉貪慕史記之為亦著此遠濶之編也

皇家顯慶中

符璽郎隴西李延壽抄撮近代諸史南起自宋終於陳

北始自魏卒於隋合一百八十篇號曰南北史其君臣

流例

恐當作別

紀傳羣分皆以類相

一無相字

從各附於本國釋

此節述南北史亦綜數代為一書者

凡此諸作皆史記之流也

釋已上三節是述

案已下出議

尋史記疆宇遠濶年月遐長而分以紀傳散以

書表每論家國一政而胡越相懸叙君臣一時而參商

是隔此其為體之失者也兼其所載多聚舊記一作紀原注謂

採國語世本國策等按此注舊在雜言下非時採一作雜言故故字俗本誤作細書綴於小注

末使覽之者事罕異聞而語饒重出此撰錄之煩者也

釋凡此諸病皆由世代懸隔載記况通史以降蕪累尤麗雜所致蓋是誠辭非敢辭也

深遂使學者寧習本書而怠窺新錄且撰次無幾而殘

缺遽或作多可謂勞而無功述者所宜深誠也釋結言規撫

史記者無其筆力貪其博遠非蕪即缺病所必致此通史一家所以當誠欲令作史者於記傳家以斷代為正

下章漢書家是已

按此章乃是著述家深識利病之言聞人通患率在
誇多代遠文麗荒誕滋熾無田甫田詩人所以誠也
史通蓋為通史料錄蕪編紛出濫觴寔由司馬故重
誠之其別家於班正復為此評者不察認是詆謫遷
史誤矣。○南北史之為體也析置紀傳越代黏連而
一姓數傳多繫家不繫國於畫代為紊例設若八朝
各立限斷如承祚國志之式則子元不以入史記家
延壽亦不受此訶矣至歐陽五代史年祚太促不得

以此例繩之。○嘗謂昔人所以甄綜古近通為一書者為其時有彙刊羣史定本故耳識者鑒此乃有十七史之剌嗣是而為廿一為廿二循代接編各還原裘既無纂合之勞亦免離散之患實自斯言發之劉氏豈非史部功臣

採訪家人

此句又見採撰及正史篇言巴西譙周以太史遷書周秦以上或采家人諸子不專

據正經於是作古史考云云是知改人為乘者非

魯史舊名史記

記見春秋家

通史

均梁吳均傳均免職尋召撰通史起三皇迄齊代

清二年通史成躬製贊序凡
六百卷天情睿敏下筆成章

科錄

北史魏宗室傳常山王遵曾孫暉雅好文學招
集儒士崔鴻等撰錄百家要事以類相從名為

科錄凡二百七十卷上起伏羲下迄於晉凡十四代
表上之按本文誤以撰人為濟陰王元暉業郭延年

辯之謂暉業所撰乃辨宗錄非科錄
也史通既誤王伯厚玉海再誤云

斷限

亦曰限斷二字所
始見斷限篇注

南北史

舊唐書李延壽傳延壽貞觀中補崇賢館學
士嘗刪補宋齊梁陳及魏齊周隋八代史謂

之南北史凡一百八十卷讀書志延壽父大師嘗謂
宋齊運周隋分隔南北南謂北為索虜北謂南為島

夷欲改正為編年未就而卒延壽究悉舊事更依馬遷體總序八代北二百四十年南百七十年為二史通志藝文略別立通史一門以延壽書與梁通史同列良是

胡越

漢書鄒陽獄中上梁孝王書云意合則胡越為兄弟不合則骨肉為讐敵

參商

左傳昭元年子產曰昔高辛氏有二子伯曰閼伯季曰實沈居於廣林不相能也后帝遷閼伯

於商丘主唐商人是因故辰為商星遷實沈于大夏主參唐人是因以服事虞夏故參為晉星

漢書家者釋

此為紀傳正家斷代為書始於此

其先出於班固馬遷撰

史記終於今上

謂孝武帝依太史公語也

自太初已下闕而不錄班

彪因之演成後記以續前篇釋

彪書初橐猶非全代

至子固乃斷

欽定四庫全書

史通通釋

卷一

三

自高祖盡於王莽

釋漢書全舉西京此二句為釋本章主句是斷限正式

為十二

紀十志八表七十列傳勒成一史目為漢書釋點題昔

虞夏之典商周之誥孔氏所撰皆謂之書夫以書為名

亦稽古之偉稱尋其創造皆準子長但不為世家改書

曰志而已

釋此釋書字名目及體製所由

自東漢以後作者相仍皆

襲其名號無所變革唯東觀曰記三國曰志然稱謂雖

別而體制皆同

釋自首至此總言紀傳為體皆準子長但起高盡莽後史皆仍其斷代之式

耳可悟前章致誠非貶辭也

歷觀自古史之所載也尚書記周事終

秦穆春秋述魯文

一作史

止哀公

舊誤作定公

紀年

即竹書紀年

不

一作非

逮於魏亡史記唯論於漢始釋

歷觀以下皆論斷之辭。此先推言

前史或累代連舉或一代不完從無斷限全代者

如漢書者究西都之首末窮

劉氏之廢興包舉一代撰成一書

一作家

釋唯漢書為斷代正體

言

皆精練事甚該密故學者尋討易為其功釋此之易對

史記之難

自爾

一作邇一作古

迄今無改斯道釋

章末總從斷代處下贊舊連下結尾今分出

按紀傳家自隋唐以來經籍藝文諸志皆列史部首

科謂之正史先馬次班此定例也劉氏以時近者易

為功代遠者難為力有鑒於通史科錄之蕪累故特
標舉斷限借史漢二家以示適從云爾夾漈持論有
意矯枉其言既悖至評者認此為乙馬甲班直不曉
文義矣。自孟堅有斷代之書自知幾有無改班書
之論向後諸史靡弗由之言出而為定式夫豈孟浪
之言

彪固

漢書叙傳班彪字叔皮年二十遭王莽敗世祖即位於冀州天下雲擾著王命論有子曰固固

以為漢紹堯運呂建帝業至于六世史官乃追述功德私作本紀編於百王之末廁於秦項之列太初已

後闕而不錄故探纂前記綴緝所聞呂述漢書起元
高祖終於孝平王莽之誅十有二世二百三十年綜
其行事旁貫五經上下洽通為紀表志傳凡百篇按
叙傳竟不及父彪續史事欺所生欺萬世糾班史者
當以是為首歟後漢書本傳彪斷採
前史遺事仿貫異聞作後傳數十篇

東觀曰記

書書錄解題東觀漢記漢謁者僕射劉珍校
書郎劉駒駘等撰初班固在顯宗朝著撰

世祖本紀功臣列傳載記二十八篇至永初中珍駒
駘等著作東觀撰集漢記其後盧植蔡邕馬日磾等
皆當補續按外篇正史
篇詳述其書宜恭看

三國曰志

晉書陳壽傳壽字承祚仕蜀為館閣令史
及蜀平司空張華愛其才舉為孝廉除著

作撰魏吳蜀三國
志凡六十五篇

紀年不逮魏亡

謂竹書紀年年未盡魏哀而止正與漢書全代對照或論不為下失之

於是考茲六家商榷千載蓋史之流品亦窮之於此矣

而朴散淳銷時移世異尚書等四家

尚書春秋國語史記

其體久

廢所可祖述者唯左氏及漢書二家而已

釋此六家總結也以配

篇序故應另除單立舊連漢書家章末者非是

按是篇如奕者開枰布子通領全局以該史家之體

即以辨史體之家該體故備陳辨家在協用就於篇

尾預作轉樞記言書而不著歲序也記事

春秋經而不

詳顛末也國別

國語

而不歸典式也

非編年

代遠

史記而

不立限斷也此所謂四家體廢者也若乃經年緯月

叙時事則銓次分明

左傳

紀志表傳舉一朝則起訖完

具

漢書

此則所謂祖述惟有二家者矣即結本篇六字

即提下篇二字脈理連絡史通通部為全局即此可見

史通通釋卷一

欽定四庫全書

史通通釋卷二

無錫浦起龍撰

內篇

二體

第二〇二體者一
編年一紀傳也

三五之代書有典墳悠哉邈矣不可得而詳自唐虞以
下迄於周是為古文尚書然世猶淳質文從簡略求諸

備體固以

一作已

闕如釋

篇首揭過非編
年非紀傳者

既而丘明傳春

秋

編年
之祖

子長著史記

紀傳
之祖

載筆之體於斯備矣釋

既而
四語

通幅全提後來繼作相與因循假有改張變其名目區域有

限孰能踰此蓋荀悅張璠丘明之黨也班固華嶠子長

之流也

釋已上總為二體標出原委大意言自得左馬分創史家千古宗之

惟此

舊脫此字

二家各相矜尚必辨其利害可得而言之釋

四語又一一提下分編

年紀傳兩扇各言其利害

夫春秋者

謂左傳也此一扇論編年

繫日月而為次列

時歲以相續中國外夷同年共世莫不備載其事形於

目前理盡一言語無重出此其所以為長也

釋長即利也謂其

勝紀傳也其所以勝本編年之體自所應有也

至於賢士貞女高才雋德事當

衡要者

其人有闕國政

必盱衡而備言跡在沈冥者

其人無不預國事

枉道而詳說如絳縣之老杞梁之妻或以酬晉卿而獲

記或以對齊君而見錄

衡要故也

其有賢如柳惠仁若顏回

終不得彰其名氏顯其言行

沈冥故也

故論其細也則纖芥

無遺語其粗也則丘山是棄此其所以為短也

釋短即害也

是其不及記傳處也其所以不

史記者

舉史該漢此一扇論紀傳紀

以包舉大端傳以委曲細事表以譜列

一作序

其年爵志以

總括遺漏逮於天文地理國典朝章顯隱必該洪纖靡

失此其所以為長也釋

此其勝編年處故長而利也亦紀傳之體自應有也

若乃

同為一事分在數篇斷續相離前後屢出於高紀

涉及項事

則云語在項傳

高主項賓故

於項傳

涉及高祖

則云事具高紀

項主

高賓故

又編次同類

如屈賈曹荆

不求年月

謂時代

後生而擢居

首帙先輩而抑歸末章遂使漢之賈誼將楚屈原同列

魯之曹沫與燕荆軻並編此其所以為短也釋

此其不編年

處故短而害也亦紀傳之體自不免也。兩扇利害皆對校而出

考茲勝負互有得失

而晉世干寶著書乃盛譽丘明而深抑子長其義云能

以三十卷之約括囊二百四十年之事靡有遺也尋其

此說可謂勁挺之詞乎釋

前幅分扇立論此借寶語一詰詰起二體合勘

案春

秋時事入於左氏所書者蓋三分得其一耳丘明自知

其畧也故為國語以廣之然國語之外尚多亡逸安得

言其括囊靡遺者哉釋

此八句只就寶語一駁以下申窮之。駁左單駁編年文若偏

詞意寔互勘也

向使丘明世為史官

一作而非

皆倣左傳也至於前

漢之嚴君平鄭子真後漢之郭林宗黃叔度

身隱位卑者晁

古作鼃

錯董生之對策劉向谷永之上書

文煩事博者

斯並德

冠人倫名馳海內識洞幽顯言窮軍國或以身隱位卑

不預朝政

嚴鄭郭黃

或以文煩事博難為次序

晁董劉谷

皆略而

不書斯則可也

此是掉句

必情有所怯不加刊削則漢氏之

志傳百卷併列於十二紀中

一作事

將恐碎瑣多蕪闌單

失力者矣釋

至此如上所云

勒言設使左為漢史仍用編年則

得不變為紀傳者矣

故班固

例以固

知其若此設紀傳以區分使其

歷然可觀綱紀有別釋

四句勒過變為紀傳

荀悅厭其迂濶又依

左氏成書翦截班史篇才三十歷代裒

舊作保恐誤

之有踰

本

恐當作紀傳釋此數語抵前駁干寶一長段言世又有厭

是觀之改來改去恐不出此二體也。互勘之文止此

然則班荀二體角力爭先

欲廢其一固亦難矣後來作者不出二途故晉史有王

虞

紀傳

而副以干紀

編年

宋書有徐沈

紀傳

而分為裴略

編年

各

有其美並行於世釋

結尾平收

異夫令升之言唯守一家而

已釋

繳應借詰之詞

按此篇與六家頂接六家舉史體之大全二體定史

家之正用先分論其得失不以有失而不行後合勘

其兩行不得偏任而廢一以左荀等字當編年字觀以班馬等字當紀傳字觀會此替身乃得縣解自後秘省勅撰唯此二途藝文吏部必先二類知幾是篇誠百代之質的也。或問替身云云何謂也曰錯舉多書總歸二體蓋揭二體之兩行非評諸書之優劣也其利害短長體中應有亦不妨兩有非此利彼害之謂更非利優害劣之謂但謂二體既立一以詮歲時一以筭事行國史乃無偏缺耳舊評不會作替身

字看遂皆拋體而議書體兩書煩臆揣都錯。千寶
一節能因單得互才是善讀書人。二體兩字貫徹
全書綱維羣史。人言自袁機仲樞紀事本末出史
體叅而三矣余曰亦從二體出非別出也且降史書
為類書法不叅立故其書不由史館不奉勅亦編

荀悅張璠

見左傳家
皆編年體

華嶠

晉書華表傳表子嶠字叔駿元康初為內臺中
書散騎著作門下撰集皆典統之初嶠以漢紀

煩穢慨然有改作之意會為臺郎典官制事得徧觀
秘書遂就其緒為紀典傳譜凡九十七卷改名漢後

書文質事實
有遷固之規

絳縣老

左傳襄三十晉悼夫人食與人之域杞者絳縣人或年長矣無子而往與於食有與疑年

使之年曰臣生之歲正月甲子朔四百有四十五甲子矣史走問之朝師曠曰七十三年矣趙孟召之而謝過焉曰使吾子辱在泥塗久矣

武之罪也與之田使為君復陶

杞梁妻

左傳襄二十三齊侯饒莒杞殖載甲宿於莒郊莒子親鼓之獲杞梁齊侯歸遇杞梁之妻

於郊使弔之辭曰殖之有罪何辱命焉若免於罪猶有先人之敝廬在下妾不得與郊弔齊侯弔諸其室

杜注杞梁
即杞殖

柳惠不彰

左傳僖二十六齊孝公伐我北鄙公使展喜犒師使受命於展禽杜注柳下惠也按

惠見左傳有此明文今云不彰
不顯與顏子並說是史通疎處

賈誼屈原

史記屈原賈生列傳第二十四
原楚懷王時人誼漢文帝時人

曹沫荆軻

史記刺客列傳第二十六沫魯莊公時人
軻衛人游燕在燕王喜時按曹沫左氏穀

梁並作
曹劇

前漢嚴鄭

王貢龔鮑傳叙谷口有鄭子真蜀有嚴君
平皆修身自保成帝時元舅大將軍王鳳

以禮聘子真子真不詘君平卜筮於成都市人有邪
惡非正之問各因執導之以善日閱數人得百錢足
自養則閉肆下簾而授老
子揚雄著書稱此二人

後漢郭黃

郭太傳太字林宗家世貧賤遊於洛陽見
河南尹李膺後歸鄉里與膺同舟而濟衆

賓以為神仙馬舉有道不應黃憲傳憲字叔度父為牛醫潁川荀淑遇憲於逆旅與語移日既而至索闕所曰子國有顏子寧識之乎闕曰見吾叔度耶太守王麟不能屈郭林宗少過素闕不宿從憲累日方還或問之林宗曰奉高之器譬之汎濫清而易挹叔度汪汪若千頃陂澄之不清清之不濁不可量也按林宗此語本傳亦載故史通二人合舉

晁董對策

漢書晁錯傳錯為人峭直刻深孝文時拜太子家令號為智囊後詔舉賢良文學士

錯在選中上親策之以明國體通人事能直言三道之要對策惟錯為高第董仲舒傳仲舒廣川人少治春秋孝景時為博士下帷講誦三年不窺園武帝即位舉賢良文學凡三問仲舒三對天子以為江都相

向永上書

漢書楚元王傳向字子政本名更生元帝初為宗正外戚許史放縱宦官弘恭石顯

弄權乃上封事諫成帝即位顯等服辜更生更名向
召拜中郎數奏封事遷光祿大夫時上無繼嗣政由
王氏上封事極諫天子召見歎息以為中壘校尉谷永
永字子雲博學經書為太常丞數上疏言得失後為
刺史奏事京師時有黑龍見天子問所欲言
永對切諫永自知有內應展意無所依違

闌單

未詳大抵是當日方言渙散不振攝之意盧照
鄰釋疾文云草木扶疎予若此予獨蘭驛子不

自勝

疑即此二字之別寫也集韻驛
他干切按今俗亦有闌關灘難之語

王虞

晉書王隱傳隱字處叔父銓有著述之志每私
錄晉事及功臣行狀未就而卒元帝召隱為著

作郎令撰晉史時著作郎虞預私撰晉書數訪於隱
所聞漸廣虞預傳預字叔寧唐藝文志王隱晉書八

十九卷虞預晉
書五十八卷

干紀

即干寶晉紀
見左傳家

徐沈

徐爰傳見正史篇注書錄解題宋書本何承天
山譙之蘇寶生所撰至徐爰勒為一史起義熙

迄大明自永光以來闕而不補梁書沈約傳約字休
文吳興人高祖勛業既就約嘗扣其端曰今不可以
淳風期萬物攀龍附鳳者莫不云明公其人也高祖
受禪為尚書僕射卒謚曰隱著宋書百卷其目詳外
史篇

裴略

即裴子野宋
略見左傳家

載言

第三。此篇以下皆就
紀傳一體中分條著論

古者言為尚書事為春秋左右二史分尸其職蓋桓文

作霸紀

糾通

合同盟春秋之時事之大者也而尚書闕紀

載也一作記

秦師敗績繆公誠誓尚書之中言之大者也而

春秋靡錄此則言事有別斷可知矣

泥古太甚於尚書家已論之釋

首節推原記事記言古體本不相合以引下文

逮左氏為書不遵古法言之與

事同在傳中然而言事相兼煩省合理故使讀者尋繹

不倦覽諷忘疲

釋至左氏則言事兩收矣然非傳體無隔越之患其勢自可兼行也此上下

轉遞

至於史漢則不然凡所包舉務存恢博文辭入

或

作記繁富為多是以賈誼晁錯董仲舒東方朔等傳唯

上

尚通或作止

錄言罕逢載事

釋自此歸到紀傳約舉專夫載文辭之篇以發論端

夫

方述一事得其紀綱

一作綱紀

而隔以大篇分其次序

一作序次

遂令披閱之者有所惜然後史相承不改其轍交錯分

一作紛

擾古今是同釋承上言以長篇夾入叙事中閱者苦之偪起本指

案邈固

列君臣於紀傳統遺逸於表志雖篇名甚廣而

一作唯

言

無獨

無獨舊作獨無誤

錄愚謂凡爲史者宜於表志之外更立

一書

釋數語揭本指

若人主之制冊詔令羣臣之章表移檄

收之

謂收出之

紀傳悉入書部題為制冊

當有書字

章表書以類

區別他皆放此亦猶志之有禮樂志刑法志者也

者也二字

於文勢當有對下段亦當有舊脫

釋此段制冊章表等皆朝典頌奏之言

又詩人之什自

成一家故風雅比興非三傳所取自六義不作文童生

焉若韋孟諷諫之詩揚雄出師之頌馬卿之書封禪賈

誼之論過秦諸如此文皆施紀傳竊謂宜從古詩例斷

入書中

據前例亦當有題為某書之文疑脫

亦猶舜典列元首之歌夏書

包五子之詠者也

釋此段詩頌書論等是詞人著述之言

夫能使一無史

體如是庶幾春秋尚書之道備矣

釋以上二項為一節意謂當於書志帙

中加立載晉一作晉誤

言一條也昔干寶議撰晉史以為宜準

左字多丘明

其臣下委曲仍為譜注於時議者莫不宗之故前史之

所未安後史之所宜革

釋此借寶言以見酌更舊體成例可援

是用敢同

有識爰立茲篇庶世之作者覩其利害如謂不然請俟
來哲

按上二篇標列史體已備自此而下別出已議也彼
編年一體緒無雜出而紀傳則名類多門商榷宜審
是篇蓋就列傳而言方銓事狀忽夾長篇未免文氣

隔越故設此論嘗竊計之就如賈生董傳方朔馬卿
未作要官無他政蹟其生平不朽正在陳書對策詩
頌論著等文設檢去之以何擔重且使此冊果立幾
與摯虞流別同科即劉於載文篇亦言非復史書更
成文集不且自矛盾乎況乎後世著述如林彌滋膠轕
矣此論不可行

韋孟諷諫

漢書韋賢傳韋賢鄒人也其先韋孟家本彭城為楚元王傳及孫王戊荒淫不遵法

孟作詩諷諫後遂去位徙家於鄒又作一篇其詩或曰子孫好事述先人之志而作也

揚雄出師

按漢書揚雄傳載河東長楊等賦及離騷解嘲等詞太玄法言等序而無出師頌郭

注引文選注云成帝時西羌有警上思將帥之臣追美趙充國乃召雄即充國圖頌之文選充國頌後編

有出師頌則史孝山作豈史通誤以為雄耶

馬卿封禪

漢書司馬相如字長卿見上好仙遂奏大

間意病免家居茂陵天子使取其書使所忠往而相如已死問其妻對曰長卿未死時為一卷書曰有使來求書奏之其遺札書言封禪事所忠奏焉

賈誼過秦

按漢書賈誼傳不載過秦論於陳勝項籍傳贊取史記褚少孫所述之文錄之止三

篇之一又按史通所舉韋揚馬賈諸篇或置傳首或出他書或入傳中或附贊內舉非一例其意祇取有

闕勸戒傳頌藝林法當採入
史中者用示擇言之例耳

本紀第四

昔汲冢竹書是曰紀年呂氏春秋肇立紀號

其書有十二紀

蓋

紀者綱紀庶品網羅萬物考篇目之大者其莫過於此

乎釋

首原紀字來歷

及司馬遷之著史記也又列天子行事以

本紀名篇後世因之守而勿失譬夫行夏時之正朔服

孔門之教義者

二句喻言本紀法立而分定

雖地遷陵谷時變質文

而此道常行終莫之能易也釋

自及司馬至此贊其創立紀名專歸天子至當

不易無然遷之以天子為本紀諸侯為世家斯誠謹矣

但區域

猶言門類

既定而疆理

猶言界畫

不分遂今後之學者罕

詳其義

釋數語轉意

案姬自后稷至於西伯嬴自伯翳至於

莊襄

襄舊作王下同

爵乃諸侯而名隸本紀釋

此下言自名之而自亂之摘周

秦起

若以西伯莊襄以上別作周秦世家持殷紂以對

遞代

武王拔秦始以承周赧使帝王傳授昭然有別豈

不善乎

釋先設平論

必以西伯以前其事簡約別加一目不

足成篇

其書不

過兩番則伯翳之至莊襄其書先成一卷

甚不簡矣

而不共世家等列輒與本紀同編此尤可怪也釋此正

而文義側注周之先事少卷促耳項羽僭盜而死未得

成君大業未就求之於古則齊無知衛州吁之類也未成安

得諱其名字呼之曰王者乎二句言豈等於諱春秋吳

楚僭擬書如列國假使羽竊帝名正可抑同羣盜羣盜即勝

廣輩漢書勝廣項籍同傳句蓋準以為言况其名曰西楚號止霸王者乎霸

王者即當時諸侯即如彭韓之類諸侯而稱本紀求名

責實再三乖謬釋前節就帝王上世亂例駁之蓋紀之

為體猶春秋之經繫日月以成歲時書君上以顯國統

釋

二句正透出命名的旨上無壓制自得紀年方許題為本紀名義相符

曹武雖曰人臣

實同王者以未登帝位國不建元陳志權假漢年編作

魏紀亦猶兩漢書首列秦莽之正朔也

連莽舉例據光武紀

後來

作者宜準於斯而陸機晉書列紀三祖直序其事竟不

編年年既不編何紀之有

此與下節皆摘後史之不符此例者。本節就開代

言夫位終北面一繫人臣儻追加大號止入傳限是以

弘嗣

韋曜

吳史不紀孫和緬求故實非無往例

即下文建侯國也

伯起

魏收

之次魏書

一脫書字

乃編景穆於本紀以庾園

諸本譌作

國虛謚間厠武昭欲使百

一作下

世之中若為魚貫釋

此節

摘繼體追尊為言。已上總就本字紀字名義發為

又紀者既以編年為主唯叙

天子一人有大事可書者則見之於年月其書事委曲

付之列傳此

此郭本作則

其義也如近代述者魏著作李安

平之徒其撰魏齊二史

舊注魏彥淵撰後魏書李百藥撰北齊書按淵為唐諱恐非原

注下於諸帝篇或雜載臣下或兼言他事巨細畢書洪

纖備錄

舊注如彥淵帝紀載沙苑之捷百藥帝紀述淮南之敗是也

全為傳體有異

紀文迷而不悟無乃太甚世之讀者幸為詳焉釋末節

紀體立論體似春秋之經事止提綱書其大者雜載他蕪則褻矣可謂搜義無窮

按史記索隱釋本紀曰本其事而記之故曰本紀若是則凡紀人事皆可通稱不已泛乎史通則曰繫日月以成歲時書君上以顯國統其於列傳篇又曰紀者編年編年者歷帝王之歲月蓋言用其紀元紀其時事也似此析義則凡混假是名如項羽前附秦年後附漢年全與本身無與不待辯而其非灼然矣裴

世期論史目云天子稱本紀諸侯稱世家繫其本系
故曰本是則劉說之所因歟。○儕項於州吁無知初
看似過細按其意特以未成君等之耳非以逆例也
或曰魏武權假漢年紀是乎曰帝魏為文者勢所必
然猶晉三祖也尊創業也非是則唐高宗太之先
世矣莫謊於元魏稱謂篇斥之。○孫和元晃一條斷
制嚴明濮議興獻議聚訟可息。○自此至題目篇條
疏抽論皆是紀傳體中之體例

后稷至西伯

按史記周本紀后稷以下曰不窋曰鞠曰公非曰高圉曰亞圉曰公叔祖類曰古公亶父曰

公季曰西伯凡十五世文幅甚簡附按羅氏路史云

夏十七世商三十世蓋四十七世而後有周文王此叙止十五世踈脫甚矣

伯翳至莊襄

按史記秦本紀伯翳本名大費與禹平水土傳至非子當周孝王時始封為附

庸邑之秦至襄公平王封為諸侯賜之岐以西之地於是始國至繆公開地千里遂霸西戎至孝公天子致伯子惠文始稱王以至莊襄通為紀一卷編始皇紀之前

無知州吁

左傳莊八年齊公孫無知有寵於僖公襄公絀之公田而反賊入弑之立無知九年雍

廩殺無知又隱四衛州吁弑桓公而立衛人使右宰醜涖殺州吁於濮

權假漢年

魏志武帝紀紀年起漢獻帝初平元年盡建安二十五年

陸機晉紀

晉書本傳機字士衡吳郡人祖遜父抗太康末與弟雲俱入洛成郡王穎勞謙下士

機委身爲宦人孟玖譖機於穎遂遇害所著文章二百餘篇按傳不言作晉紀而隋唐二志鄭馬二通並

有陸機晉紀四卷並入編年門今史通云歷紀三祖直叙其事以爲不合本紀之體得毋機書之以紀名

原是荀爽漢紀之紀而非本紀之紀歟識以存疑三祖謂所追尊宣帝懿景帝師文帝昭也

弘嗣吳史

弘嗣韋曜字即韋昭也見國語家吳志曜傳孫皓即位欲爲父和作紀曜執以和不

登帝位宜名爲傳如是者非一皓積嫌憤遂誅曜按今吳志孫和傳在五子之列殆因曜之舊歟

伯起魏書

北史魏收字伯起小字佛助與溫子昇邢子才齊譽世號三才齊天保元年除中書

今兼著作郎二年詔撰魏史魏書紀恭宗景穆皇帝
諱晃太武皇帝長子也薨於東宮即柩謚曰景穆高
宗即位追尊皇帝廟號史臣曰恭宗明德令聞夙世
殂天其處園之悼歟按此紀繼太武紀下是借紀也
當附太武紀
末不合分篇

戾園

漢宣帝紀武帝戾太子納史良娣產子史皇孫
皇孫生帝巫蠱事起太子亡至湖遇害武五子

傳宣帝初即位詔曰故皇太子在湖未有號謚歲時
祠其議謚置園邑有司奏請謚曰戾置奉邑二百家
湖閭鄉祁里聚為戾園
後又益戾園滿三百家

魏著作

北史魏季景傳季景子澹字彥深仕齊殿中
郎中書舍人入周遷著作郎帝以魏收所撰

後魏書褒貶失實詔澹別成魏史義例與
魏收多所不同按澹本字彥淵唐諱為深

李安平

唐書李百藥字重規定州安平人隋內史令德林子也幼多病祖母趙以百藥名之七歲

能屬文號奇童貞觀元年拜中書舍人封安平縣男所撰齊史行於世

世家 第五

自有王者便置諸侯列以五等疏為萬國當

一無周之

東遷王室大壞於是禮樂征伐自諸侯出迄乎秦世分

為七雄司馬遷之記諸國也其編次之體與本紀不殊

各國自蓋欲抑彼諸侯異乎天子故假以他稱名為世

家釋首標世家創設名義之案世家之一無此四字為

義也豈不以開國承家世代相續至如一作陳勝起自

羣盜稱王六月而死子孫不嗣社稷靡聞無世可傳無

家可宅而以世家為稱豈當然乎夫史之篇目皆遷所

創豈以自我作故一作古集內屢見此語並作故而名實無準釋既立世家

一門陳勝最難安故故作第一駁且諸侯大夫家國本別三晉之與田

氏自未為君而前齒列陪臣屈身藩后而前後一統俱

歸世家使君臣相雜升降失序何以責季孫之八佾舞

庭管氏之三歸反玷三晉田齊之先猶又當有田列號

帝紀之上世也

齊二字

東帝抗衡西秦地方千里高視六國而沒其本號唯以

田完制名

原注謂田完世家也

求之人情孰謂其可釋

第二駁本

齊總駁而田完題上獨缺齊字故多一層

當漢氏之有天下也其諸侯與古

不同夫古者諸侯皆即位建元專制一國繇繇瓜徙卜

世長久至於漢代則不然其宗子稱王者皆受制京邑

自同州郡異姓封侯者必從宦

一作官

天朝不臨方域

漢初

不盡然

或傳國唯止一身或襲爵才經數世雖名班

一多爵字

非胙土而禮異人君必編世家實同列傳而馬遷強加

別錄以類相從雖得畫一之宜詎識隨時之義釋第三駁專

舉漢封為言。隨時二字具有通識蓋班漢知其若是釐革前非至如蕭

曹茅土之封荆楚葭莩之屬並一概稱傳無復世家事

勢當然非矯枉也釋落到班史廢去世家事勢當然正是為時所轉自茲已降

年將四百及魏有中夏而揚吳益蜀不賓終亦受屈中

朝見稱偽主為史者必題之以紀則上通帝王牒之以

傳則下同臣妾梁主勅撰通史定為吳蜀世家持彼僭

君比諸列國去太去甚其得折中之規乎此論於蜀未允次有

子顯齊書北編魏虜牛弘周史南記蕭譽考其傳體宜

曰世家釋

自漢而後代多分據宜若可用然亦不為決詞也

但近

或作今誤

古著書

通無此稱用使馬遷之目

或謠作冊

湮沒不行班固之名相

傳靡易者矣釋

末以舍馬從班結之

按由周而來五等相仍當子長時漢封猶在故立此

名目以處夫臣人而亦君人者自茲以降去古益遠

藩微封耗史無世家時為之也隨時之義四字乃持

論主句○三國南北朝體勢相埒各為一史理事當

然宋之遼金亦猶是也。晉十六國載記統之唐之藩鎮是不一姓。凡此諸朝都無置世家處。獨唐末五代十國擅世廬陵遠法龍門。繼列茲體。比於揚益魏虜之云。似較隲當。亦時之適逢也。然設以十國擬諸載記。亦殊妥協。○帝魏則傳蜀帝蜀則紀漢蜀不得與吳例。故獨不可世家。○位孔子以世家先儒非之。愚謂史記乃從其世。及而世家之也。故叙後系獨長。至十一傳安國而與已同時。繼以子印孫驩而止。厥後

褒成褒亭宗聖奉聖崇聖恭聖紹聖褒聖衍聖之封

與世無極焉乃悟世家二字千古唯孔氏顛撲不破

史通糾史於孔子無綴詞其亦有會於斯歟宋史龔

世家夾置傳
內名類襟襟

三晉

史記趙世家叔帶去周如晉事晉文侯始建趙氏於晉國五世晉獻公賜趙夙耿晉悼公立趙

武續趙宗晉頃公年趙簡子出有人當道曰主君之子且必有代晉懿公年趙襄子與韓魏滅知氏於是

北有代南有知氏襄子卒獻侯立卒子烈侯籍立韓魏趙皆相立為諸侯魏世家畢萬事晉獻公獻公以

魏封萬卜偃曰萬滿數也魏大名也以是始賞天開之矣晉文公令武子襲魏氏晉悼公任魏絳政其後

魏桓子與韓康子趙襄子共伐滅知伯分其地桓子之孫曰文侯都與趙韓列為諸侯注世本曰都斯也韓世家韓之先與周同姓其後事晉得封於韓原曰韓武子後三世有韓厥從封姓為韓氏晉作六卿而韓厥在一卿之位號為獻子宣子徙居州子貞子徙居平陽至康子與趙襄子魏桓子共敗知伯分其地地益大子武子武子子景侯度與趙魏俱得立為諸侯

田氏 田敬仲完世家陳完者陳厲公佗之子也奔齊齊桓公使為工正完卒謚為敬仲敬仲之如齊

以陳氏為田氏按完之後九世為太公和遷齊康公於海上與魏文侯會濁澤求為諸侯魏使使言周天子天子許之田和立為齊侯列於諸侯

葭莩

漢書中山靖王勝對曰羣臣非有葭莩之親鴻毛之重注莩者葭蒿中白皮至薄喻著

去太去甚

老子無為章聖人去甚去奢去泰

子顯編魏虜

梁書蕭子恪傳子恪弟子顯字景陽啟撰齊史書成表奏之子顯齊書列傳第

三十八題為魏虜

牛弘周史

隋書本傳弘字里仁開皇初授秘書監拜禮部尚書敕修撰五禮勒成百卷有文集

十三卷按弘撰周史本傳缺書隋經籍志周史十八卷未成牛弘撰亦見外篇正史篇讀書志蘇綽秉政

軍國詞今多準尚書牛弘為史尤務清言

蕭譽

後周書蕭譽字理孫梁武帝之孫昭明太子之第三子昭明卒武帝舍譽兄弟而立簡文太子同

元年除持節都督雍梁隨諸軍事譽以襄陽梁武創基之所志存綏養侯景作亂梁元帝時鎮江陵譽與

構隙恐乃稱藩於魏江陵平太祖立啓為梁主資以
江陵一州之地啓遂稱帝於其國在位八載薨又命
其太子歸嗣位歸字仁遠有文學善撫御在位二十
三載薨又命其太子琮嗣位琮字溫文儻善弓馬
二年隋徵入朝廢梁國自啓初即位至是歲三十
有三年矣按啓於後周若題以世家實為宜稱

列傳 第六

夫紀傳之興肇於史漢蓋紀者編年也傳者列事也編
年者歷帝王之歲月猶春秋之經列事者錄人臣之行
狀猶春秋之傳春秋則傳以解經史漢則傳以釋紀釋
此篇論列傳也其以本紀並提者何蓋紀傳之為書其
中有表有志而言者皆約舉兩端以名之故並提以析

其義也一則紀以配經傳以配左以明詳畧之攸分如
本節所云也一則傳無他體淆譌偏與本紀出入宜審
義例之各當如
下文所辯也尋茲例草創始自子長而朴略猶存區

分未盡如項王宜

舊譌作立

傳而以本紀為名非唯羽之儲

盜不可同於天子且推其序事

一脫事字

皆作傳言

年從秦漢便是

傳體

求謂之紀不可得也或曰遷紀五帝夏殷亦皆列事

而已

史記此三紀皆無年

子曾不之恠何獨尤於項紀哉對曰不

然夫五帝之與夏殷

舊作殷夏也

正朔相承子孫遞及雖無

年可著紀亦何傷如項羽者事起秦餘身終漢始殊夏

氏之后羿

羿世無君

似黃帝之蚩尤譬諸閏位容可列紀

謂

方之駢拇難以成編

尤謂蚩

且夏殷之紀不引他事

紀體尊嚴

夷齊諫周實當紂日而析字古析為列傳不入殷篇項紀

則上下同載君臣交雜

多端時事盡入篇中

紀名傳體所以成嗤

一作

釋此段所言本紀篇先已論過似乎複出而非也

去名存實定合收還蓋彼篇雖有書君顯國之言而於論項之處未暢斯旨留此盡之也

夫紀傳一作

紀傳之不同猶詩賦之有別而後來繼作亦多所未詳案

范曄漢書記

或作紀

后妃六宮其實傳也

從君之年

而謂之為

紀陳壽國志載孫劉二帝其實紀也

用其國年

而呼之曰傳

考數家之所作其未達紀傳之情乎苟上智猶且若斯

則中庸故可知矣

釋已上兩層皆是借紀別傳先糾史記次及范陳年託他人者反不入

傳年由我紀者反以傳名皆失實也論傳例之失至是止

又傳之爲體大抵相同而

述者多方有時而異

舊有耳字

如二人行事首尾相隨則有

一傳兼書包括令盡若陳餘張耳合體成篇陳勝吳廣

相叅並錄是也亦有事跡雖寡名行可崇寄在他篇爲

其標冠若商

一作南

山四皓事列王陽之首廬江毛義名

在劉平之上是也釋

單行傳體可以不論合傳寄傳變體也故抽論之合傳謂二人合事

非儒林循吏之類寄傳謂別列傳頭非召平沮授之類

自茲已後史氏相承述作

雖多斯道都多

一作

廢其同於古者唯有附出而已釋

附出

謂附見傳中因合寄二項觸類及之

尋附出之為義攀列傳以垂名若紀

季之入齊顓臾之事魯皆附庸自託得廁

舊有於字

朋流然

世之求名者咸以附出為小蓋以其因人成事不足稱多故也竊以書名竹素豈限詳略但問其事竟如何耳借如召平紀信沮授陳容或運一異謀樹一奇節並能

傳之不朽人到於今稱之豈假編名作傳然後播其遺

烈也釋

假附出之可傳引濫登之可鄙

嗟乎自班馬以來獲書於國史

者多矣其間則有生無令聞

一作問

死無異

一作遺

蹟用使

游談者靡徵其事講習者罕記其名而虛班史傳妄占

篇目若斯人者可勝紀哉古人以沒而不朽為難蓋為

此也釋

自自茲以後至末寓情尤遠果可片端不朽矣須揚厲滋多儆後波靡屹然底柱

按初謂列傳宜無紊例之患又疑史通何多牽涉之

辭久而後知其解也拈出本紀連為互文透頂直指

曰紀者紀年也年仰他人者雖紀實傳年得自主者
雖傳實紀片言折獄紀法定而后傳例清焉迨乎文
勝益流甚者騰聲穢史縱謗書其或免寧實錄之靡
慚篇後發藥又是傳者通病子長之倡傳首也曰非
附青雲烏施後世子元之嚴傳例也曰生無令聞虛
占篇目舉意故殊贈言彌遠國史體尊可使夷於家
乘哉

后羿

見書五子之歌又見
左傳襄四年哀元年

蚩尤

史記五帝紀軒轅之時神農氏世衰諸侯相侵伐於是軒轅乃習用干戈以征不享而蚩尤最

為暴索隱蚩尤蓋諸侯號也

范后妃紀

范曄後漢書以皇后紀列帝紀之後其叙曰考列行跡以為皇后本紀雖成敗事異

而同居正號者並列於篇親屬別事各依列傳

陳志

孫劉陳壽吳志權曰吳主傳改元五曰黃武黃龍嘉禾赤烏太元亮休皓曰三嗣主傳亮

改元三曰建興五鳳太平休改元曰永安皓元八元興甘露寶鼎建衡鳳皇天冊天璽天紀蜀志先主曰

先主傳傳略曰魏武帝稱尊號改元黃初傳聞漢帝見害先主乃發喪制服議郎湯泉侯劉豹等上言宜

即帝位以纂二祖謹上尊號即皇帝位於成都武擔山之南為文曰惟建安二十六年四月丙午皇帝備

敢用玄牡昭告皇天后土漢有天下歷數無疆曩者
王莽篡盜光武皇帝震怒致誅社稷復存今曹操阻
兵安忍戮殺主后操子丕載其凶逆竊居神器薜臣
將士以為社稷隳廢備宜修之嗣武二祖龔行天罰
率土式望在備一人謹擇元日與百寮登壇受皇帝
璽綬建元章武後主傳元四建興延熙景耀炎興按
二國主傳皆不用
魏年實紀體也

餘耳勝廣

史記漢書並
兩人合一傳

四皓列王陽之首

漢書王吉等傳傳首有叙叙內云
漢興有園公綺里季夏黃公角里

先生此四人者當秦之世避而入商山自高祖聞而
召之不至呂氏用留侯計使皇太子卑辭安車迎而
致之四人從太子見高祖客而敬待之太子得以為
重遂用自安王吉本傳吉字子陽與貢禹為友世稱

王陽在位
貢公彈冠

毛義在劉平之上

後漢劉平等傳傳首亦有叙叙內云中興廬江毛義少節家貧以孝行

稱南陽張奉慕其名往候之而府檄適至以義守令義奉檄而入喜動顏色奉心賤之及義母死去官行服後舉賢良公車徵遂不至張奉歎曰賢者固不可測往日之喜迺為親屈也劉平本傳平字公子本名曠顯宗後改為平

紀季入齊

左傳昭三經紀季以鄒入於齊杜注鄒紀邑季以邑入齊為附庸先祀不廢按史通

與魯附庸顯史並舉皆以喻傳之附出者

召平紀信

漢書召平附見蕭何傳紀信附見項籍傳

沮授

後漢袁紹傳紹領冀州牧引沮授為別駕授進曰將軍忠義奮發威陵河朔迎大駕於長安復

宗廟於洛邑號令天下其功不難興乎二年車駕為李傕等所追沮授曰西迎大駕即官鄴都挾天子而

臨諸侯稽士馬以討不庭誰能禦之若不早定必有先之者紹不從紹攻許沮授為操軍所執大呼曰授

不降也為所執耳操曰國家未定方當與君圖之授曰速死為福乃誅之章懷注獻帝傳曰沮授廣平人

存研搜集近宜興諸會元大文撰有沮授補傳


陳容

魏志臧洪傳洪領東郡袁紹興兵殺之洪邑人陳容少為書生親慕洪隨洪為東郡丞見洪當

死謂紹曰將軍欲為天下除暴而專先誅忠義豈合天意紹使人牽出謂曰汝非臧洪儔空爾為容顧曰

仁義豈有常蹈之則君子背之則小人今日寧與臧洪同日而死不與將軍同日而生復見殺在紹坐者

無不歎息竊相謂曰
如何一日殺二烈士



史通通釋卷二